

Serbski sejm: Prědny forum w Dolnej Łužycy bužo w Dešnje

Iniciatiwa stupa dalej pó swójeje droze / Wuzwólowański wjednik: „Cas chwata“

Z Rownego/Rohne. Iniciatiwa za Serbski sejm pšewježo skóro přédne regionalne forumy, zož budu rozkładowaš ideju serbskego parlamenta a wabiš luži k wuzwólowanju – ako wuzwólwarje a kandidaty. To jo była głowna tema wobradowanja iniciatiwy a Rady starostow stwórtk we starej šuli w Rownem, zož jo se wobželiło 11 luži. Člonk iniciatiwy Hanzo Wylem-Kell z Huštanja jo pšipowěžel, až budu přédny forum w Dolnej Łužycy w Dešnje we kjarcmje Serbski dwór organizěrowaš, a to južo srjodu za tyžeń (20. junij, glej termin na 7. boce). Zal jo za jogo powěsću skazany.

Dalšne forumy budu nejpjerwej we Wórjejcach a Chróšćicach. Górnołužyske starosty su byli wobjadne, až jo lěpjej wěcej zgromažinow we jsach pšewjasć, ako jadnu wjeliku: Alexander Pólk jo pšipowěžel, až se myśli na Hórki, Radwor a Rakecy.

Wuzwólowański wjednik Hagen Domaška jo iniciatiwu pógónjował: inseraty a napominanje k wuzwólowanju, kaž teke terminy regionalnych forumow, muse tak malsnje ak móžno w casnikach a drugih mediach zjawjone wordowaš. Ten kónc tyženja budu na tekstach želaš. Wylem-Kell co wopytaš nachwatki



Wabjenje k wuzwólowanju: člonk iniciatiwy Hanzo Wylem-Kell žarży w ruce nowe łopjenko, kótarež kšě šoltam a přédkstojarjam jsow we serbskej Łužycy z listom rozpósłaš. A maju nažeju, až wóni budu je na zjawnych městach powjesys. Pó dla njogo: člonka Rady starostow Edith Pjenkowa z Rownego a nejuwěcej prominentny starosta prof. Klawns Thielmann z Chasowa w Górnej Łužycy, nęgajšny ministař za strowotnistwo DDR. Foto: G. W.

Serbske łopjeno w casniku Märki-scher Bote reaktiwěrowaš. Na ten part by powěsć wót wuzwólowanja se rozšyriła we 90.000 eksemplarach we celem wokrejsu Sprjewja-Nysa.

Listy na towaristwa a institucije deje se južo pšiducy tyžeń wótpósłaš – w listach budu je naganjaš, aby kandidatow pšipowěželi. Cas chwata – jo Domaška zas a zas gro-

nił. Za jich suženim njejo trjeba se głowu lamaš dla kandidatow w Górnej Łužycy – tych bužo daš wjele. Ze starosću glědaju do Dolneje Łužyce, zož žednu wěstosć tuchylu njamaju.

We celem pak se kněży we iniciatiwje optimismus. Powědarka Rady starostow Jadwiga Pjacec jo wulico-

wała wót nalětnego swěženja w Budyšnje, zož su k wuzwólowanju Serbskego sejma wabili. Za jeje suženim su měli wjelgin dobru rezonancu. Teke optimistiski jo se wugronił Hagen Domaška, kótaryž jo był gano prezentny na swěženju w Wórjejcach – teke tam su wobydlarje wopokazali interesu, teke wjele maminorěcných z Čiska/Zeisig. Ze zastupnikami jich towaristwow budu se we pšiducem casu zmakeš.

We celem wobstoj strategija iniciatiwy we tom, se na swěženjach a wjelikich kulturných tšojenjach prezentěrowaš. Starostka Edith Pjenkowa z Rownego jo pak wulicowala wót zadorow: na wjelikem festiwalu graša na měchawje w Slěpem pšiducy kónc tyženja njejo slěpjańska Domowina ako organizatorka pšiwdała iniciatiwje se prezentěrowaš. Gmejske a wejsne ražce se žarže slědk, a wjele jich groni, „až mamy južo Domowinu“.

Pódpěraf iniciatiwy Udo Nikuš z Grodka (z rodow z Łojowa) jo wulicowal wót swójoje wopytanja, ze zastupnikami dešańskego muzeja na srježowěkowem swěženju do rozgrona pšiš. Za jogo powěsću „kšě wóni njepolitiske wostaš“ a su jogo pšosbu wó pódpěru wuzwólowanja wótbili.

G. W.